

Tabrat n Bulus i Titus

Tamezwarut

1 ¹Bulus, ismey n Arebbi d umazan n Yeccu Lmasih, ełahsab *abrid* n liman n imxeṭṭaren n Arebbi d tmusna imunen n tidett i iḡan deg uweqqar n tcuni, ²deg usitem n tudart n řebda tenni tuḡa zi iwaed Arebbi, wenni war ieddřen ad issxarreq, qbeř mma ad iřin din ikuden n řweqt qbeř, ³uca aqqa issargeb awař nnes di řweqt nnes s tbarreħt n řexbar ařebħan i d ayi itwawekkřen ełahsab řumur n Arebbi, Amsenjem nney. ⁴I Titus, aħenjir inu d tidett ełahsab liman nney icarcen ‘Nniemet d areħmet zi Arebbi Tababat u zi Sidi Yeccu Lmasih, Amsenjem nney.’

Tasexxart n Titus di Krita

⁵X uyenni jjiy cek di Krita, ħima ad teedřed min tuḡa ead ittxeř s u ħima ad tessgæded imyaren di kuř tandint, am mammec cek umureḡ, ⁶*imyaren inni* war di iġi řeib, inni ġarsen ict n temyart u ġarsen tarwa ttammen inni war x itwaṭṭef ucetci zi jjihet n ufucceħ uřa d taeyennant. ⁷Minzi ittxeř s i umeħđayi ad yiři nnebřa řeib amecnaw awkiř n Arebbi, war dayes ittiři ueffar niy zzeaf, war isess ccrab niy ittegg řsdee uřa war yarezzu ad yarbeħ s řyecc, ⁸maca aqqa yareħħeb s inewjiwen, ittexs min iřebħen, ibedd x uzeġif nnes, aqqa-t d amseggad, d amqeddas, iħekkem x ixef nnes, ⁹ad ittef deg wawař ařdiq am mammec d as itwasseřmed, ħima iqedd ad icejjee řmumenin uřa ad issyed tarwa n bu-tyennant s tyuri n řřah. ¹⁰Minzi aqqa din aṭtas n tarwa n bu-tyennant d ayt bu-ixarriqen d iyecacen, ġar umezwaru nsen d inni zeg wextan. ¹¹Ittxeřsa ad asen itwaqqen uqemmum, minzi s useřmed nsen i war icuwwaren, aqqa qeřeen x twacunin marra, řami arezzun nitni x arbeħ s řyecc. ¹²Ijjen zzaysen, aqqa-t d amkacaf, tuḡa inna “Ikritiyyen nitni řebda d ayt n bu-ixarriqen d řewħuc ieffanen d ieddisen ifinyanen”. ¹³Chadet-a d tidett. X uyenni webbex asen s jjeħd, ħima ad iřin d iřħaħen di liman, ¹⁴war tticcen ca taynit i tħuja n Wudayen d tiweřsa n iwdan inni iwcin s weerur i tidett. ¹⁵I imezdag marra d tazdugi, maca i inni itwaxemjen d inni war yuminen, i nitni uřa d ict n řħajet tizdig, maca nitni twaxemjen di

řeçeř uřa di tnefsect nsen. ¹⁶Iwdan-a ttarran ixef nsen belli ssnen Arebbi, maca nekkaren t s řexdayem nsen, yaæut min ttegggen, aqqa war ttaæen, war neffæen uřa i ict n řxedmet tešbeh.

Tayuri n ššah i tmesmunt n Lmasih di Krita

2 ¹Maca cek siweř min ittřiçen i tyuri n ššah. ²Ittxešš i iwessaren ad iřin hudnen, ad uyuren s uweqqar d utebbet, s liman n ššah d tayri u s ššbar. ³Ad iřint temyarin ggurent am mammec d ittas i temqeddasin, war tteçqifent ca, war wcint i binu, sseřmadent min iřebħen, ⁴ħima ad cejjeent timyarin timežyanin ad xsent tarwa nsent d yeryazen nsent, ⁵uca ad daysent yiři utebbet d tazdugi, ad qabařent řxedmet n taddart, ad iřint cnant, ad ggent array i yeryazen nsent, ħima war itwaceqqef ca deg wawař n Arebbi.

⁶Cejjeet æawed ibřiçen ħima ad uyuren s utebbet. ⁷Egg ixef nekk di marra d lmatal n řexdayem tiřebħanin u n useřmed iřfan ak-d uweqqar u nnebřa řyecc, ⁸s wareqqas icnan war izemmar ad zzayes ibarreq bu-tyennant ħima war xaney itteiwid ca tuæeffna.

⁹Cejjeæ isemyan ħima ad ttaæen i ayttab nsen, ad asen arđan di marra, war ten tteekksen, ¹⁰war ttacaren, maca ad ssecnen řmanet nsen icnan, ħima di marra ad iřin d taseddest tařebħant i tyuri n Arebbi, Amsenjem nney.

¹¹Minzi nniæmet n Arebbi i d ittawyen asenjem i marra iwdan, aqqa teffey-d, ¹²ħima ad aney tarebba maħend ad nettejj řeqjaħet d nnecwat n ddunnit, ħima ad neddar di ddunnit-a s utebbet d tsegda am mammec ixš Arebbi, ¹³am nettraja asitem d usargeb n ueuđi n Arebbi ameqqran d Umsenjem nney, Yeccu Lmasih, ¹⁴wenni i xaney iwcin ixef nnes, maħend ad aney isellek zi marra min iđan đidd n ttawrat, ħima ad issizdeg i yixef nnes ij n weydud imeħħden i řexdayem tiřebħanin. ¹⁵Siweř x man aya, ziyar u webbex s marra jjeħd, war tejj ħed ad cek isseħqar.

3 ¹Seçeř iten, maħend ad ggen array i řħukkam u i ššulařat, ad asen ttaæen, ad iřin wejden i kuř řxedmet tařebħant, ²war ceqqfen di ħed, war ttemcubbucen, ad iřin d imeđraf uca ad ssecnen marra tamhint i marra iwdan. ³Aqqa uřa d neccin zic tuřaney d ifyař, war dayney bu ttaæet, nweddar, aqqa-ney d isemyan

n sřam kuř nncawat d ccehwat, tuřa neddar di tuęeffna uřa di řehsed, dayney acrah uca ncarreh ijjen wenedni. ⁴Maca xmi tban ředrafet d tayri i iwdan tenni iřan zi Arebbi, Amsenjem nney, ⁵aqqa issenjem aney, war iři elahřab řexdayem n tsegda i negga, maca elahřab arehmet nnes s usird i iřan deg wexřaq n jdid d uřeqqem n jdid (=tajdidet) zi Arruř Iqeddsen, ⁶wenni i xaney ifarryen s ufeyyed s Yeccu Lmasih, Amsenjem nney, ⁷řima, am netwasegged s nniemet nnes, ad nedweř d iwriten elahřab asitem n tudart n řebda. ⁸Awař-a d ařdiq uca necc ttexsey ad tekkared ad tbedded s jjehd i man aya, řima inni ittecren x Arebbi, ad meřden mařend ad cebbaren řebda di řexdayem řisebřanin, tinni icnan u daysent nnfae i iwdan. ⁹Maca beeed x umřarweř abuhaři d tařirat d umenyi d imcubbac x ttawrat minzi war dayes bu nnfae, aqqa man aya d bařeř ¹⁰Mařa din řed issbeřta, ittxeřša kenniw ad as tagim awarni řami twebbxem t ict n twařa u ict n twařa nneđni. ¹¹Aqqa tessnem belli wanita d amfaryađ, aqqa netta ixetřta uca deg umur d ijjen itwahaseb zeg yixef nnes.

Awař d useřem aneggaru

¹²X minni i řarek-d řa ssqadey Artimas niy Ticikus, egg tizemmar mařend ad řari-d tased deřya řar Nikubulis, minzi aqqa ggiř ad din sseedy řmecta. ¹³Zenas, amseřmad n ttawrat, d Abullus, awyem ten-d deg webrid deřya, řima war d asen ittxeřři uřa d ict n tmesřact. ¹⁴Ařeqqa uřa d inni nney ejj iten ad řemden mařend ad cebbaren řebda di řexdayem řisebřanin ittxeřšan i tarzeft, řima war d ttiřin nnebřa řřiřet. ¹⁵Marra wi akidi danita ttseřamen xak. Seřem eawed x inni i d aney ittexsen di liman. Nniemet ad kiwem tiři marra idwem!